

靜

語曰聖人主靜立人極夫極者人之大中也聖人主靜非以靜為善而故主之也是萬物無足以撓其心不求靜而自靜也今之求靜者未得真傳皆曰緊鎖心猿牢拴意馬至於拴鎖不住遂謂此心終不可得而靜也殊不思此不致知之過也致知則明明則見天下之理都是停停當當底一毫私意著不得此所謂知止而后有定定而后能靜靜而后能安也外忘名利則身安內忘思慮則心安人皆曰身安便是福我則曰心安便是道慧可見達摩曰某心未安乞師與安摩曰將心來與汝安可曰覓心了不可得摩曰我與汝安心竟温則曰三際求心心不有道藏輯要

養真集

聖

菊集九
卷十三

寸心覓妄妄原無妄原無處即菩提是則名為真得道告子之不動心是不得勿求遺棄而不動後世枯槁之士皆告子之流非見道者誰知其謬
白髮老人曰人能內忘思慮外忘名利則主靜工夫不待言矣若思慮未除名利未斷縱靜片時焉能長久把持與自然看破與未破毫釐之分天壤之異

樂

樂莫樂於得道一日學道一日快活日日學道日日快活終身學道終身快活學道原是安樂法門是以聖人學而不厭周茂叔教二程氏尋孔顏樂處是樂也在各人身中反尋之而自足

孟子謂君子有三樂一曰天倫之樂二曰性分之樂三曰名教之樂其樂在天與人者我不得而必之其樂在我者胡不自盡焉今夫人有不爲人役者乎有不爲物役者乎有不爲形役者乎人必去此三役則可與之言樂矣嘗見芒芒之人筋出力盡但得放下便覺快樂學道之士若能放下其樂倍於世人萬萬矣先年予當盛暑遠行見老者坐於涼樹之下以爲極樂矣予今閒暇坐於涼樹之下不見樂處何哉先年以勞視逸故若是耳意者貧之視富賤之視貴皆若是乎爲人只可素其位而行故能無入而不自得焉凡有願外之心俱屬無益一切扳緣業債是非罪過皆由此願外之一念起可不慎哉

道藏輯要

養真集

巽

養集九

白髮老人曰學道爲安樂法門人多目之爲苦名利是極苦之事人反視之爲樂慧眼與肉眼原該有如此之異

太極

太極者兩儀之祖也兩儀者天地之祖也天地者萬物之祖也用祖炁以修身則固取祖炁以書符則靈太極在吾人是謂元牝乃真精妙合自然而成是神氣之根而性命之竅也大要觀天之道執地之行二者盡之矣一陰一陽兩者配合天地之道也日月運行晝夜交光天地之行也故曰天地設位而易行乎其中矣易謂坎離是也聖人知其如此故以乾坤爲鼎器以烏兔爲藥物其中消息盈虛之數則又準之以火候陰符經曰日